



Felles kommunestyremøte Os og Fusa

15. Juni – 2016

09.00 – 15.00

Oseana kunst og kultursenter

Program

KS- konsulent v/ Åsbjørn Vetti vil vere møteleiar

- 09.00 – 09.15 Opning av dagen. Velkomen ved Ordførar Atle Kvåle og Ordførar Marie Bruarøy
- 09.15 – 10.00 Vi blir betre kjent med kvarandre i dei to kommunestyra v/ KS
- 10.00 – 11.30 **Korleis har vi jobba i samanslåingsprosessen vår i Rissa og Leksvik**
v/ ordførar i Rissa kommune Ove Vollan
Spørsmål og dialog.
- 11.30 – 12.15 Lunsj
- 12.15 - 13.15 **Kva trengs for å lukkast med å byggje ein ny kommune?**
Korleis handtere arbeidsgjevarrolla?
v/ seniorrådgjevar og dagleg leiar i KS-Konsulent Åsbjørn Vetti
- 13.15- 13.45 Namn på den nye kommunen og mandat til fellesnemda v/ Ordførarane
- 13.15- 14.00 Pause
- 14.00 – 15.00 **Digitalisering og innovasjon** - framtidens kommune med gode eksempel og kreative ideer

Utkast mandat for fellesnemnda etter handsaming i styringsgruppa 29. mai

Handsaming:

Styringsgruppe gjekk gjennom framlegget til mandat punkt for punkt og gjorde følgjande endringar (markert i raudt):

- 1) Fellesnemnda skal planlegge og førebu iverksetjing av samanslåinga fram til nytt kommunestyre i den nye kommunen er konstituert. Fellesnemnda skal gå gjennom og vurdere alle prinsipielle forhold i samanslåingsprosessen. Fellesnemnda vedtar Reglement for vidaredelegering.
- 2) Fellesnemnda kan inngå avtalar på vegne av den nye kommunen
- 3) Fellesnemnda behandlar og vedtar politisk organisering i den nye kommunen samt reglement for dei nye politiske organa og arbeidsvilkåra for dei folkevalde
- 4) Fellesnemnda skal utarbeide mandat for prosjektansvarleg/ny rådmann i den nye kommunen og sette i verk tilsetting av denne
- 5) Fellesnemnda behandlar og vedtar prosjektansvarleg/ny rådmann si innstilling til hovudmodell for administrativ organisering
- 6) Fellesnemnda skal sørge for at reglar og avtalar om tilsette og tillitsvalde sin medverknad ved samanslåinga blir ivaretatt
- 7) Medlemmar i fellesnemnda er arbeidsgjevaren sine representantar i det partssamansette utvalet for samanslåingsprosessen
- 8) Fellesnemnda vedtar revisjonsordning for den nye kommunen etter innstilling frå kontrollutvala i dei to kommunane
- 9) Kommunane har i perioden fram til 1.1.2020 ansvar for si ordinære drift, men spørsmål som har vesentlege økonomiske og arealpolitiske konsekvensar for den nye kommunen skal drøftast i fellesnemnda. Fellesnemnda kan uttale seg om saker som er til behandling i folkevalde organ i dei to kommunane når sakene blir vurdert å vere viktige for den nye kommunen
- 10) Fellesnemnda skal førebu budsjett for 2020 og økonomiplan 2020 – 2023. Viktig å presisere at det er det nye formansskapet som skal gje budsjettinnstilling til det nye kommunestyret
- 11) Fellesnemnda disponerer eingongstilskot og reformstøtte frå staten i samband med kommunesamanslåinga. Fellesnemnda skal vedta budsjett for samanslåingsprosessen innanfor ramma av dei statlege løyvingane
- 12) Fellesnemnda skal oppnå konsensus i alle avgjerder. Forhold som ein vurderer det er naudsynt å ta stilling til, blir avgjort ved alminneleg fleirtal.

- 13) Fellesnemnda skal halde kommunestyra i dei to kommunane orientert om nemnda sitt arbeid
- 14) Delegering. Fellesnemnda kan delegere til politiske underutval og/eller administrativ styringsgruppe å fatte vedtak i enkeltsaker eller i saker som ikkje er av prinsipiell karakter
- 15) Saksførebuing. Administrativ styringsgruppe førebur saker til fellesnemnda. Prosjektansvarleg/ny rådmann innstiller saker til fellesnemnda. Rådmennene i dei to kommunane har møte- og talerett i fellesnemnda

Administrasjonane sjekkar ut kva inndelingslova krev og KS tilrår om fleirtalsvedtak i fellesnemnda for presisering i nytt pkt 12, og dette punktet er førebels ikkje vedtatt. Når det gjeld nytt pkt 10, er siste frist for å vedta budsjett for den nye kommunen 1. februar. Det betyr at det nye formannskapet kan lage innstilling til det nye kommunestyret i januar 2020.